

Na osnovu člana 66. st. 1. i 2. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 58. stav (11) Zakona o šumama Kantona Sarajevo ("Službene novine Kantona Sarajevo", br. 5/13, 10/21 i 19/22), ministar privrede Kantona Sarajevo donosi

**PRAVILNIK
O NAČINU IZVRŠAVANJA ZADATAKA, OBLIKU I
SADRŽAU LEGITIMACIJE ČUVARA ŠUMA,
IZGLEDU UNIFORME I OPĆIM KRITERIJIMA ZA
UTVRĐIVANJE ČUVARSKIH REONA**

Član 1.

(Predmet)

Ovim pravilnikom regulišu se zadaci čuvara šuma, način izvršavanja zadataka, oblik i sadržaj legitimacije čuvara šuma i kriteriji za utvrđivanje veličine čuvarskog reona.

Član 2.

(Čuvari šuma)

- (1) Čuvari šuma obavljaju zadatke propisane članom 58. stav (8) Zakona o šumama Kantona Sarajevo ("Službene novine Kantona Sarajevo", br. 5/13, 10/21 i 19/22).
- (2) Čuvari šuma obavezno posjeduju blok prekršajnih naloga, Zakon o šumama Kantona Sarajevo i ostale zakone i podzakonske propise iz oblasti šumarstva, lovstva, sjemenarstva i propise o sadnom materijalu koji se odnose na propisane zadatke čuvara šuma, preglednu kartu čuvarskog reona, službenu knjigu, knjigu panjeva, zapremske tablice, kao i neophodnu stručnu literaturu.
- (3) Čuvari šuma vrše službu u uniformi, naoružani oružjem koje odredi Kantonalno javno preduzeće za gospodarenje državnim šumama "Sarajevo - šume" d.o.o Sarajevo (u daljem tekstu: KJP "Sarajevo-sume").
- (4) Obavezna oprema čuvara šuma je:
 - a) šumski čekić sa oznakom "ŠK",
 - b) šumska kreda,
 - c) elastični metar,
 - d) prva pomoć,
 - e) dvogled,
 - f) lovački nož.

Član 3.

(Uniforma)

- (1) Uniforma čuvara šuma iz člana 2. ovog pravilnika, mora biti maslinasto-zelene boje.
- (2) Na lijevom rukavu jakne i košulje nalazi se oznaka KJP "Sarajevo-sume", a iznad gornjeg lijevog džepa traka sa imenom i prezimenom.
- (3) Uniforma čuvara šuma se sastoji od zimskog i ljetnog odijela.
- (4) Zimsko odijelo se sastoji od: kape, zimske jakne, džempera, košulje, dvoje pantalona i dubokih terenskih cipela.
- (5) Ljetno odijelo se sastoji od: kape, košulje, dvoje pantalona i cipela.
- (6) Zimsko odijelo nosi se od 16. oktobra do 30. aprila, a ljetno od 1. maja do 15. oktobra.
- (7) Sastavni dio uniforme je i službena torbica.

Član 4.

(Službena knjiga)

- (1) Čuvar šuma vodi službenu knjigu-dnevnik u koju svakodnevno upisuje opažanja i izvršene zadatke uz sedmičnu ovjeru neposrednog rukovodioca.
- (2) Sve uočene štete od bespravne sječe, čuvar šuma premjerava, upisuje u knjigu panjeva, panj žigoše

šumskim čekićem i obrojčava istim rednim brojem na odgovarajući način kolobrojem ili odgovarajućom pločicom.

- (3) Za sve nezakonite aktivnosti u skladu sa svojim dužnostima iz člana 58. stava (8) Zakona o šumama Kantona Sarajevo, čuvar šuma obavezan je bez odlaganja sačiniti zapisnik o protivpravnoj radnji sa neophodnim podacima i izdati prekršajni nalog, odnosno putem KJP "Šarajevo-sume" podnijeti zahtjev nadležnom sudu za pokretanje prekršajnog postupka kada izdavanje prekršajnog naloga nije moguće ili pisane prijave nadležnom tužilaštву za nezakonitu aktivnost koja imaobilježe krivičnog djela.

Član 5.

(Legitimacija)

- (1) Ovlaštenje za vršenje poslova čuvanja šuma, čuvar šuma dokazuje posebnom legitimacijom koju je na zahtjev kontrolisanog lica dužan pokazati.
- (2) Legitimacija čuvara šuma je pravougaonog oblika, dimenzija 90x60 mm, štampana na polukartonskom papiru svijetlozelene boje i platificirana (Obrazac 1.).
- (3) Evidencije o izdavanju, vraćanju, oduzimanju, promjenama i uništavanju legitimacija vodi izdavač legitimacije u registru (Obrazac 2.).
- (4) Fotografije za legitimaciju su dimenzija 35x30 mm i moraju vjerno prikazivati lik čuvara šuma obučenog u zimsku uniformu.
- (5) Preko nalijepljene fotografije na obrascu legitimacije stavlja se otisk pečata tako da na slici u donjem desnom uglu bude 1/3 otiska, a 2/3 otiska na obrascu legitimacije.
- (6) Obrasci iz st. (2) i (3) ovog člana se nalazi u prilogu ovog pravilnika i čini njegov sastavni dio.

Član 6.

(Izdavanje legitimacije)

- (1) Legitimacije čuvarima šuma izdaje KJP "Šarajevo-sume".
- (2) Izdavanje legitimacije se vrši na osnovu rješenja o rasporedu čuvara šuma na radno mjesto.
- (3) Legitimacija se u skladu sa članom 58. stav (7) Zakona o šumama Kantona Sarajevo, može izdati i drugim stručnim licima koja imaju ovlaštenje za poslove zaštite šuma.

Član 7.

(Razlozi za zamjenu legitimacije)

- (1) Ako legitimacija zbog dotrajalosti, oštećenja ili zbog izmjene izgleda njenog imaoča ne može služiti svojoj namjeni ili ako dođe do promjene podataka ili sadržaja, imalač legitimacije je dužan podnijeti zahtjev KJP "Šarajevo-sume" radi zamjene legitimacije.
- (2) Ako imalač legitimacije izgubi legitimaciju ili na drugi način ostane bez nje dužan je, uz pismeno obrazloženje o njenom nestanku, od KJP "Šarajevo-sume" zatražiti izdavanje nove legitimacije.
- (3) Po prestanku rada, na radnom mjestu za koje mu je bila potrebna legitimacija, imalač legitimacije je dužan legitimaciju vratiti KJP "Šarajevo-sume".
- (4) Izgubljena ili na drugi način otuđena legitimacija oglasit će se nevažeća u "Službenim novinama Kantona Sarajevo".

Član 8.

(Postupak sa zamijenjenom, oduzetom i vraćenom legitimacijom)

- (1) Zamijenjene, oduzete i vraćene legitimacije, na kraju kalendarske godine, uništice KJP "Šarajevo-sume".

- (2) Legitimacije izdate po ranijim propisima vratiće se Ministarstvu privrede Kantona Sarajevo - Upravi za šumarstvo.
(3) KJP "Sarajevo-sume" je dužno u roku od 30 dana od dana početka primjene ovog pravilnika izdati nove legitimacije.

Član 9.

(Određivanje naziva i veličine čuvarskog rejona)

- (1) Naziv i veličinu čuvarskog rejona odredit će KJP "Sarajevo-sume".
(2) Kriteriji za određivanje veličine čuvarskih rejona će se zasnovati na obimu i vrsti poslova iz člana 58. stav (8) Zakona o šumama Kantona Sarajevo, a posebno će se voditi računa o:
a) ugroženosti šuma i šumskih zemljišta od štetnog djelovanja čovjeka (bespravne sječe, bespravno prisvajanje i korištenje - usurpacije, bespravna gradnja i drugo),
b) otvorenosti šuma putnim komunikacijama,
c) konfiguraciji terena,
d) ugroženosti šuma od biotskih i abiotских faktora (štetni insekti i biljne bolesti, požari, elementarne nepogode i drugo),

- e) ugroženosti šuma od štetnog djelovanje stoke i divljači,
f) srazmernom učešću pojedinih kategorija šuma i šumskih zemljišta u ukupnoj površini čuvarskog rejona.

Član 10.

(Stupanje na snagu i početak primjene)

- (1) Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo", a počet će se primjenjivati danom početka primjene Zakona o izmjenama i dopunama Zakona o šumama Kantona Sarajevo ("Službene novine Kantona Sarajevo", broj 19/22).
(2) Danom početka primjene ovog Pravilnika prestaje da važi Pravilnik o načinu izvršavanja zadataka, obliku i sadržaju legitimacije čuvara šuma, izgledu uniforme i općim kriterijima za utvrđivanje čuvarskih rejona ("Službene novine Kantona Sarajevo", broj 12/14).

Broj 07-05-02-36825
15. augusta 2022. godine
Ministar
Sarajevo

Adnan Delić, s. r.

Prilog:**Obrazac 1.**

Prednja strana	
Slika	Kantonalno javno preduzeće za gospodarenje državnim šumama „Sarajevo – šume“ d.o.o. Sarajevo
SLUŽBENA LEGITIMACIJA ČUVARA ŠUMA Broj:.....	
Ime i prezime	
JMB	
..... Potpis ovlaštenog lica	

Poleđina:

Čuvari šuma dužni su da:

- a) čuvaju šumu od šumskih požara na način kako je utvrđeno ovim zakonom i planovima zaštite šuma od požara,
- b) čuvaju šumu i šumska zemljišta u vlasništvu države od bespravnog zauzimanja i korištenja, od nezakonitih sjeća, sprječavaju bespravnu izgradnju u šumi i na šumskim zemljištima,
- c) evidentiraju nezakonito posjećena stabla u propisane obrasce, obrojčavaju ih i žigošu šumskim čekićem šumske štete,
- d) prate pojave i kretanje biljnih bolesti i štetočina i štete nanesene šumi od divljači,
- e) prate stanje divljači,
- f) prate održavanje šumskog reda,
- g) sprječavaju nezakonito pokretanje drveta iz šume, ubiranje i sakupljanje nedrvnih proizvoda i stavljanje istih u promet,
- h) zaustave prijevozna sredstva i pregledaju prateću dokumentaciju za prijevoz drvnih i nedrvnih šumskih proizvoda na šumskim, lokalnim i regionalnim putevima koji prolaze kroz dijelove i/ili komplekse šume i šumskog zemljišta i vrše kontrolu klasiranja drvnih proizvoda u skladu sa važećim standardima,
- i) kontrolisu porijeklo drveta u pogonima za preradu drveta i na svim drugim mjestima gdje se drvo skladišti,
- j) pregledaju sav transport na šumskim putevima,
- k) spriječe istresanje, deponovanje i odlaganje smeća i drugog otpada u šumi i uništavanje graničnih znakova,
- l) sačine zapisnik o protivpravnoj radnji sa neophodnim podacima o izvršenoj radnji, izvršiocima i visini štete,
- m) legitimisu sva lica zatečena u vršenju prekršajnih radnji po ovom zakonu i krivičnih djela koja se odnose na šume ili za koja postoji osnovana sumnja da su izvršila takva djela, ako se ne može utvrditi identitet tih lica na drugi način,
- n) poduzmu mjere da bi se sačuvali tragovi krivičnog djela, predmeti na kojima je ili pomoću kojih je učinjeno krivično djelo i drugi dokazi o njima i
- o) obavjeste policijsku upravu i nadležnu šumarsku inspekciju o svim zapaženim nepravilnostima.